

ՆԱԽԱՊԱՏՐԱՍՏԱԿԱՆ ԾԽԱԿԱՆ ԺՈՂՈՎԻ

ԱՏԵՆԱԳՐՈՒԹԻՒՆ

.....

Նախապատրաստական Ծխական ժողովս տեղի ունեցաւ Կիրակի 17 Դեկտեմբեր 1967ին, Կ. Ե. Ժամը 3-ին ՀԱՅ ՏՈՒՆԻ մէջ, Օրակարգ ունենալով,

1- 7 Սեպտեմբեր 1967 բացառիկ ընդհանուր անդամական ժողովին ատենագրութեան ընթերցում եւ վաւերացում :

2- Ընտրողական Յանձնախումբի ընտրութիւն :

3- Ներկայ Ծխական Խորհուրդի թեւադրանքները :

4- Խորհրդատու Մարմին :

1- 7 Սեպտեմբերի 1967 բացառիկ ընդհանուր անդամական ժողովին ատենագրութիւնը կարդացուեցաւ եւ վաւերացուեցաւ :

2- Ընտրողական Յանձնախումբի անդամներու թիւին համար /3 կամ 5 հոգի/ եղած առաջարկը գոց քուէարկութեամբ տուաւ հետեւեալ արդիւնքը,

24 հոգի	3 հոգի
10 հոգի	5 հոգի

Երեք անձերէ բաղկացած ընտրողական յանձնախումբ մը կազմելու որոշումը առնուելէ յետոյ, առաջարկուած 6 անուններէ գոց քուէարկութեամբ ընտրուեցան,

Պր. Ժիրայր ԲՈՒՆԹԵՐԵԱՆ	30 քուէ
Պր. Երուանդ ՇԻՄԱՆԵԱՆ	30 քուէ
Պր. Համբարձում ԿէՕԶէՐԵԱՆ	18 քուէ

3- Ծխական Խորհուրդս կը թեւադրէ,

Ա- Ծխական Խորհուրդի անդամներուն թիւը բարձրացնել 9ի /փոխանակ ներկայի 7 հոգիին/ : Ժողովը յարմար դատելով Խորհուրդիս առաջարկը, որոշեց 9ի բարձրացնել յաջորդ Ծխական Խորհուրդի անդամներուն թիւը :

Նկատի ունենալով որ ներկայ Ծխական Խորհուրդէս սլաշտօնէ կը դադրին 6 անդամներ եւ կը մնայ միայն մէկ անդամ, որոշուեցաւ Ընտրողական Յանձնախումբի կողմէ պատրաստել 16 հոգիներէ բաղկացած երկպատիկ ցանկ մը, ընտրելու համար 8 անձեր, որոնցմէ առաւելագոյն քուէ ստացող 5 անձերը պաշտօնավարեն 2 տարուայ իսկ 3ը տարուայ մը համար :

Բ- Ծխական Խորհուրդս կ'առաջարկէ նաեւ թէ կազմուելիք Եկեղեցաշինութեան Յանձնախումբին մաս կազմեն նոյնպէս Ծխական Խորհուրդի 2 անդամներ : Ժողովս կը վաւերացնէ այս առաջարկը եւ կ'որոշէ Եկեղեցաշինութեան Յանձնախումբի անդամներուն թիւը 7 հոգի : Զեռնբարձ քուէարկութեամբ,

ԹԵՐ	23 քուէ
ԴէՄ	5 քուէ
ԶԵՌՆՊԱՀ	8 քուէ

Ժողովս կ'որոշէ նաեւ Եկեղեցաշինութեան Յանձնախումբի

ընտրուածներն ցանկը պատրաստել Ընտրողական Յանձնախումբի կողմէ :

4- Խորհրդատու Մարմնի կազմութեան նկատմամբ ժողովիս կողմէ խնդրուած լուսաբանութեան, Ծխական Խորհուրդու բացատրութիւններ կուտայ,

,, Ծխական Խորհուրդու յարմար դատելով Եկեղեցացաշինութեան Յանձնախումբի մը վերակազմութիւնը, հրաւիրած է քանի մը ազգայիններ :

Ծխական Խորհուրդու, եկեղեցացաշինութեան հարցին շուրջ հանդիպում մը ունե նալու նպատակաւ հրաւիրած ազգայիններուն մեծամասնութիւնը, այդ ժամանակ արդէն իսկ հաւաքուած եւ համայնքիս տարակարծ անձերը իրարու մօտեցնելու նպատակաւ ժողովներ կը գումարէին, հրաւիրելով գաղութիս պաշտօնական մարմիններու վարչու Թեանց մի քանի ներկայացուցիչները :

Հրաւիրեցին նաեւ 18 Սեպտեմբերին, 1967, Ծխական Խորհուրդու :

Այս ժողովին ներկայ ազգայիններ Ծխական Խորհուրդիս գաղափարին համակար ծիք, յայտարարած են թէ Ծխական Խորհուրդը զիրենք հրաւիրելու պարագային պատրաստ են աշխատելու Ծխականի կողքին եւ հովանաւորութեամբ, եկեղեցացաշինութեան գործին մէջ :

Նկատի ունենալով որ յիշեալ մարմնի անդամներուն մեծամասնութիւնը մաս կը կազմէին այն անձերու ցանկին զոր Խորհուրդու հրաւիրած էր խորհրդակցական ժողովի մը եկեղեցացաշինութեան հարցին շուրջ եւ ուզելով քաջալերել այդ անդամներու սրտաբուխ գործունէութեան ոգին, որոշեց հանդիպում մը ունենալ իրենց հետ 25 Սեպտեմբեր 1967 թուականին : Վերոյիշեալ անձերը կը խնդրէին նաեւ թէ Ծխական Խորհուրդը հաճէր հաստատել իրենց կազմը ԾԽԱԿԱՆ ԽՈՐՀՈՒՐԴԻ ԽՈՐՀՐԴԱՏՈՒ ՄԱՐՄԻՆ անունին տակ փոխանակ եկեղեցացաշինութեան Յանձնախումբի :

Ահա այսպէս եղաւ Ծխական Խորհուրդիս ծրագրած եկեղեցացաշինութեան Յանձնա խումբի մը վերակազմութիւնը, Խորհրդատու Մարմին անունին տակ , , :

Այս բացառիկ ընդհանուր անդամական ժողովս իր խորին շնորհակալութիւնները կը յայտնէ Առաջնորդ Սրբազան ՀՕՐ, որ բարի եւ շինիչ գաղափարն ունեցած է հաստատելու Առաջնորդական Փոխանորդութիւն մը Գանատայի մէջ յանձին գերշ. Տ. Վաչէ Եպիս. Յովսէփեանի :

Բարի գալուստ եւ յաջողութիւններ կը մաղթենք Առաջնորդական Փոխանորդ Սրբազան ՀՕՐ :

Ժողովը վերջ գտաւ ժամը 7,30ին :

ԾԽԱԿԱՆ ԽՈՐՀՈՒՐԴ

Ա. ՄԱՐՏԻԿԵԱՆ

Յ. ԲէՍԹԷՔԵԱՆ

Ատենադպիր

Ատենապետ